山庫全幸

史部

こうこ 丘長實之後本居賴川實玄孫晉太尉準準生匡匡生 高祖姓陳氏諱霸先字與國具與長城下若里人漢太 欽定四庫全書 達永嘉初為丞相據隨晉南遷拜太子洗馬出為長 陳 建康實録卷十九 高祖武皇帝 建康實驗 唐 許嵩 撰

猛郎 丞 令悦其山水遂家焉常謂所親曰此地山 一藝不事産業家貧每以捕魚為事身長七尺五寸日 |者與馬二百年後我子孫必鍾斯運達生康康復為 雄傑好史籍讀書長於謀 以梁天監二年歲次癸未 生高 太高 禄晉成帝 常生 b 柳 懷書 E 成和中土断故為長城人高祖 部部生安成野生生康康 道 巨 生 皇 策明緯候孤虚遁甲又 考 生高祖少倜儻有大志意 續守 校盱 猛尉胎 太 鼎 **大**纘 鼎生 宇)1] 英 秀麗當有 散英 即 不 生 騎 侍

灾匹庫全書

· 盧子雄等不進討賊皆伏誅子雄弟子略與孫同子 中驚覺腹內猶熱心獨喜之初任鄉為里正後逃於義 史失德王人李實連結郡縣反而高新二州刺史孫問 與具與太守蕭映過從之建業映遂用為夾岩吏尋轉 為油庫長既而映鎮廣州奏高祖為中直兵參軍從至 氏夜夢天開數丈有朱衣四人捧日而至納於高祖口 廣州映令高祖招集士馬先是武林侯蕭諮為交州刺 角龍顏垂手過膝髭生連骨普通中當遊義與館於許

|飲定四車全書

建度實銀

武平太守與刺史楊膘南討李賁定交趾初楊膘委高 卒高祖送映喪至大庾蘋梁帝詔高祖為交州司馬領 閣將軍封新 唐僧明等是歲梁大同十年梁高祖聞深異之遥,授直 及杜天合杜僧明等以兵攻廣州高祖率兵大破賊軍 經 知軍士憚其遠役陰購誘之因說說留膘膘 略東軍發自番馬蕭勃為定州刺史於江西 祖對曰交趾叛海罪由宗室遂使借亂 安縣子遣使圖其形貌入觀之既而蕭 問計 相 自 映

人といる

憚之頓於湖口不敢進高祖謂諸將曰我師已老將復 欠己习言 1.1.in 疲勞歲月相持恐非長計正孤軍無援入人腹心若 鼓行而進梁大同十六年六月軍至交州賣衆數萬於 賣走由 衛湖於屈孫洞界立岩大造船艦充塞湖中 泉何必交州討賊問罪之師 故當死生以之豈可畏憚宗室抵拒 歷年稔定州復欲昧利目前不顧大計節下奉辭伐罪 麻江口城 柵以拒官軍膘推高祖為前鋒所向推陷 延見實録 即回有所指矣於是勒云 邦憲今若奪沮其

景作亂廣州刺史元景仲謀同侯景高祖知之擊破之 平之除振遠將軍西江督護高要太守梁太清二年侯 大清賣寬入屈發洞中洞中人斬責傳首京師李賣兄 為推於只當共出百死决力取之無故停留王事去矣 戰不提豈得生全今籍其屢奔人情未固夷祭鳥合易 天寶道于九真因逼鬼爱州梁太清元年高祖討天寶 **迟激高祖勒所部兵聚乘流先進聚軍鼓噪隨之賊聚** 諸將皆默莫有應者是夜江水暴起七丈注湖中奔流

每分四库全書

次定习事在与 既不能止因令蔡路養等以兵遇高祖軍大寶元年 高 聽雄天下無敵援軍前後無敢當鋒嶺北王侯又已自 將東下蕭勃聞之使鍾休悦留高祖不許度橫言侯景 高祖遣杜僧明胡願等將兵二千屯於嶺上遂厚結始 相屠戮君之疎外豈可暗投未若且住始與以張形勢 殺景仲而迎定州刺史蕭勃為廣州刺史及京師不守 與豪傑同謀義舉以放京師侯安都張偲等率眾來附 祖江謂休悦日君辱臣死誰敢爱命吾行計决矣勃 建康實録

尋選南江州 威將軍交州刺史改封南野縣伯高祖乃修南康古 居之人常遠望見城上有紫雲氣重覆左右深結事 白 月與千高祖於始與大破察養譚遠軍於大庾嶺高 於深湘東王蕭繹是為元帝帝承制投高祖持節 鎮南康南康今之處州乃遣使間道往江陵東承 濱漲 高 約 高數 五丈 頓 西昌 刺史改封長城倭大寶二年六月高 |丈三 百 里 鮮間 陳書 Z 巨 明 南 石 康 旅贑 觀沒 者時大有 為石 難水 售 歉龍 É 慶見 馬於 有 高 袓 時 祖 袓

P

九

九三日月 台 杜僧明侯安都等戈甲三萬將住會焉高祖聞西軍 太平二年春正月加高祖 日恭又追贈高祖兄道該為散騎常侍平北將軍封長 近 遣 乃分三十萬斛米以資西軍有軍粮五十萬 展坐追贈高祖考侍中加金章紫紋封義與郡公諡 **御路自太社至於象魏** 萬貨之是年侯景廢簡文帝嗣 征東將軍王僧辯督衆討侯景師次湓城高祖率 建原宫领 班劍三十人置丞相別 案陳書 而 高 闕 祖 月五日龍見 自 Б 下 南 榻 闦

封高 羽葆鼓吹皂輪車九月進加相國封十郡為陳公備九 甲午進高祖位太傅 長城夫人章氏為義與國夫人追贈章夫人祖侍中追 金万豆屋 史余孝項起兵應之高祖命侯安都討平之秋 縣公諡 刺史諡曰忠壯各邑二千户遣侍中僕射陸繕策拜 祖母許氏為嘉與縣君諡曰敬皇此張氏義與國 諡曰宣二月廣州刺史蕭勃反公江而下江 477 曰 昭烈弟休光侍中使持節驃騎將軍 加黄鉞 劍履上殿 朝 不超前 南 徐

欽定四庫全書 夜勤王王公卿士莫不攸屬敬從人神之願授帝位於 梁敬帝禪位於陳王策命曰惟王乃聖乃神欽明文思 雲罕樂舞八佾設鐘廣宫縣陳臺百官一依舊式辛未 通太尉長史王瑪奉皇帝璽紱受終之禮一依唐虞故 二儀並運四節合敘天錫勇智人挺雄傑爰初投袂日 天子旌旗出警入蹕乘金根車駕六馬備副車置旌頭 爾躬四海困窮天禄永終王其允執厥中乃命太保王 錫之禮十月戊辰進爵為王加二十郡冕十有二旅建 建康實録

繫囚徒一 畫夜晦暝至此日景氣清晏詔百官文武進位有差先 燎告天禮畢與駕旋建康宮臨太極前殿大赦改梁太 事是日梁敬帝方智遜位於別官高祖三讓羣臣固請 后為江陰國太妃丙子與駕幸鍾山祀將帝廟遣使宣 朔車騎服色一依前準宮館資待務盡優假又降皇太 以梁太平二年冬十月乙亥設壇於南郊即皇帝位柴 年為永定元年丁丑冬十月乙亥先是氣霧雨雪 切釋放奉梁帝為江陰王居晉陵行梁之正

九七日臣 A. L. 道談為始與郡王諡曰昭烈追封母弟休光為南康郡 **倩為臨川王遥襲封昭烈王子項為始與王祀昭烈後** 王諡曰忠壯乙酉立删定郎刊定律令十一月封兄子 帝陵為瑞陵昭后陵曰嘉陵依梁初園邑故事追封兄 祖皇妃董氏為景太后追諡前夫人錢氏為昭皇后追 勞四方與辰韶出佛牙於杜母宅集四部設無遮大齊 諡世子克為孝懷太子立夫人章氏為皇后癸未尊景 帝出大司馬門致禮辛已追尊皇考為景皇帝廟號太 延康實録

還宮六月韶司空候填徐度等討王琳七月新作太極 甲子駕親祀太廟戊辰重雲殿東鴻吻有紫煙出屬天 進襲忠壯王子曇朗嗣南康王後 五月辛酉帝幸大莊嚴寺捨身壬戌王公已下奉表請 梁後今兵向建康使招北齊為援齊乃進兵助之四月 永定二年春三月王琳立梁永嘉王蕭莊於郢州以奉 家後渚監軍鄒子度以聞記起部尚書察傳兼將作 柱忽有樟木大十八園長四丈五尺自流泊 陷

多岁四届全書

卷十九

楚夏四月豫章太守熊曇朗反殺江州刺史周文育育 匠取木以構之 **俞殿合服朱紗袍衮晃之服自今永可為準丙寅扶** 有仙人見於羅浮山小石樓長三丈通身潔白衣服麗 會拾乘與法駕羣臣備禮奉迎還官 字景您義與陽美人五月朔日有蝕之有司奏舊儀御 年春正月丁酉大雪大極殿前有龍跡見甲午廣 復之耳天 士案 冬十二月甲子又幸莊嚴寺設無碍太 入宫 取景 火作 燒亂 宫王 及太極殿薰僧辯下平之 縱軍 西

火足四軍亡馬

破裂或躬提冠復又薄於奉養在朝常服布袍芒屬 即位遷侍中性鄙於財而不潔於已每於朝會中衣裳 熒感在心 韶賜尚書令沈東死 使貢方物乙亥周文育丧至帝素服哭於朝堂哀働甚 因發疾六月丁酉帝不和遣太宰尚書左僕射王通以 疾告太廟太宰中書令謝哲告太社及南北郊癸丑夜 祖約父班眾好學頗有文詞起家南平王參軍高祖 絕為帶及囊麥飯食之朝士成共笑其所為性急於 東字仲監具與武康

Í

グロス

總軍要及即位玉帛子女悉頒將士歌鐘伎樂不列於 數品私饗曲宴皆用瓦器蚌盤肴庶珍羞纔足而已自 神武莫傳英謀獨斷性貴儉素志賤浮華常膳進不過 五十五即位在位三年年五十七諡武帝廟號高祖帝 在今縣東南三十里彭城驛側周六十步高二丈帝年 詔迎臨川王倩入墓大業丙午高祖崩於琉璣殿秋七 月甲寅大行皇帝遷殯於太極西階丙申葬於萬安陵 您恨非毀朝廷高祖大怒因其休假遂賜死帝漸疾甚

大色可重 九十二

建康實録

舊宅及高祖與王僧辯東下帝為侯景所 前末年躬儉彌篤 每分四周至書 家英秀也梁太清初情魯夢两日開 堕 一般有識量美容儀精經史高祖甚爱之常稱此兒吾 諱倩字子華始與昭烈王長子 地衛取而懷之侯景之亂避地於臨安縣郭 加害會景敗乃免 世祖文皇帝 兵景怒使 卷十九 高祖第 収侯 景 祖初 及聞 昭 收 凡烈 髙 УX 衡 幽 也王 袓 禁 是 槧

一跃定四車全書 辭讓再三羣臣內外固請其日入居中書省皇太后令 六月丙午高祖崩遺詔徵帝入綦皇儲甲寅至自南皖 守高祖即位進封臨川王拜侍中安東將軍永定三年 及高祖遣周文育討社能情已先攻下之拜為會稽太 遣使掩裝情士卒皆惶恐失色而帝獨言笑處分益 世祖防備僧辯腹心人震州刺史章載社龍等據具與 取乃免會 郎中王 免 起家為具與太守高祖討王僧辯先客令 翻 見 幽守故事 建康實 録 不獲行高祖既一小刀冀因便 圓 而害景 石頭 明

官進位一 即 昭烈王仕梁為東宫直長後值侯景亂中流矢卒高祖 曰昊天不弔上玄降禍大行皇帝奄乗萬國諸孤顏爾 安成王顼梁江陵陷安成王遷於闢右高祖襲封安成 反國無期須立長君以寧寓縣侍中臨川王四海宅 繼昭烈之 位追贈驃騎大將軍太傅揚州收始與郡王生帝 膺實蘇是日具禮儀即位於太極前殿大赦公卿 等尊皇后為太皇后詔封子伯茂為始與郡 後賜為父後者爵 級 伯茂字鬱之初

次至日東 A 馬 其書悉入於秘府帝以伯茂好書賜之由是大工草隸 王封伯茂為始與王以奉昭烈祀初東征北軍於丹徒 立皇子伯宗為皇太子立妃沈氏為皇后十一 秋七月尚書八座奏請立皇后及諸王太子九月辛酉 王為始與祀及帝以本宗之饗韶改封嗣王項為安成 天嘉元年正月大赦改元賜鰥寡孤獨孝悌力田栗各 盗發晉都曇墓大獲晉王義之書及諸名賢遺跡事衛 琳進冠大雷前鋒逼梁山詔太尉侯瑱禦之 建康實録 月し

患高祖即位以曇朗南川豪帥拜飆猛將軍桂州刺史 球王琳及梁王蕭莊走齊之鐘陵三月丁己江州刺史 守江陵陷後遂却掠隣縣縛賣人民山谷之中最為巨 項大破王琳於梁山敗齊軍於博望擒王琳下將劉伯 聚少年據豐城縣多為刼盜梁元帝平侯景拜巴西太 **廸追斬賊帥熊曇朗於新塗** 著姓曇朗跅跪不羈有膂力容貌甚偉侯景之亂因 解甲寅發使宣勞四方二月辛 卯老人星見丙申 曇朗豫章 南昌人世為

金りにえ

琳乃修新塗縣城居之及王琳東下南川兵為曇朗所 與周文育討余孝勒既而反害文育盡收其衆以應王 元帝於江寧舊學車旗禮章並依梁典帝臨於太極前 是盡收其宗黨無少長皆棄市是月驃騎將軍湘州牧 **曼朗敗走入山村村民斬之傳首京師懸於朱雀觀於** 梗江州刺史周廸與高州刺史黄法輕等會兵攻曇朗 **衡馬王昌薨於魯山江中夏四月丧至帝親臨詔諡獻** 王立第七子伯信為衡陽王奉獻王祀六月壬辰葬梁

次下日100×人1145

建康實錄

虞荔卒 若敦等水陸引軍超巴湘兩道俱進太尉項自尋陽往 殿百寮陪哭秋八月戊子韶非兵器及國容所須金 天嘉二年正月高麗倭國及百濟並遣使貢方物六月 安迎帝弟安成王項周人并留之 破盛等於楊葉洲是歲以侍中國子祭酒周宏正使長 珠玉衣服雜玩悉皆禁斷九月乙卯周將獨孤盛與賀 金グロをといる 齊人通好冬十月乙卯東夷遣使朝貢乙未領大著作 荔字山披會稽餘姚人 祖權父儉務幼而

人豈知乃勃寶應求寄寶應終不遣荔亦感疾年五十 名 還荔每言之流涕帝哀之曰我有弟在遂此情甚切他 領大著作荔第二弟寄寓於閩中為陳寶應留連不得 布衣不聽音樂及陳受禪世祖嗣位除太子中庶子尋 失及梁末将母入臺城尋遇城陷情禮不申由是蔬食 敏年九歲太常陸極問五經凡十條務隨問應答無遺 九卒極還鄉里世祖親送人以為貴子世基世南並知 寄字次安年数歲有人嘲之曰郎君姓虞必定

次定四軍全事 一

建康實録

天嘉三年正月原成設惟於南郊告胡公以配天是月 異結構謀逆 後梁蕭祭薨子歸代立二月安成王項自後周還帝見 兵反司空侯安都破之 於桃枝嶺 之大喜以功進周弘正位金紫光禄大夫以安成王 乃歸朝拜大中大夫是歲南安將軍周廸不受徵與留 智寄應聲曰文字不辯豈得非愚客大慙陳寶應破後 司空閏二月甲子改鑄五鉄錢三月周迎留異等舉

飲定四軍全書 **侯景有功梁元帝封為猛烈將軍隨高祖鎮京口定計** 師 而秦郡太守徐嗣殿等引北齊 招集兵馬得三千人討侯景與高祖攻破蔡路養下平 四年三月甲申留異等走投閩州刺史陳寶應寶應約 之五月己己太白畫見是日侯安都自盡 該王僧辯自石城北拾舟登岸被甲帶長刀踰城北 牆而 始與曲江人善書能鼓琴好騎射自始與內史主簿 僧辯即室以功授散騎常侍南徐州刺史既 建康實録 冠安都領水軍於 安都字成

同乞伏無芳追敗於將山龍尾及幕府山界以戰 等每有表啟事所未盡乃開封更自書之云又啟某事 自 孰高 血 江公給鼓吹一 凝大懼請 斷賊糧運并收其家口騾馬鷹犬及嗣被所彈琵琶 敷庸 流至踝容色不變收其妻子人馬甲仗振 祖使安都拒之大戰破於高橋斬微生擒齊 漸高騙恣數招文武之客陰輕褚才張正見 和時紹泰元年也明年嗣嚴又入丹陽 部世祖嗣位討留異於桃枝嶺中 旅 功 而 封

或坐御林賓客稱壽後重雲殿災安都帶甲而入帝惡 及侍宴酒酣或箕距傾倚自白帝曰何如作臨川王 次定四年全事 未夜白虹两道出北斗間秋七月乙未皇太子納妃朱 收安都囚之西省出中書舍人蔡景歷表以示於朝數 帝伴不應乃再三言之帝曰此雖天命亦明公之力也 安都之罪詔速刑書是日安都上表陳謝自殺六月丁 頭世祖引安都宴於嘉福殿又集會將即於朝堂坐上 出為江具二州刺史征南大将軍自京口選都於石 建原實録 日

騎常侍信威將軍陳文帝長女安豐公主配異第三子 陳寶應留異等 應丙申大赦殊死已下 自安固今有應接功領東陽太守封永與縣侯累遷散 侮貧賤守宰皆患之起家為梁朝蟹浦戍主紹泰二年 五年四月庚子太白歲星合在奎中十 軍將軍章昭達討平之十二月昭達軍次建安討陳齊 氏在位文武賜帛有差九月辛丑周廸復冠臨川 異東陽長山人少豪雄多聚惡少凌 一月章昭達 詔 擒

Mill 1.1

史王漸 **飲定四庫全書** 枝嶺安都進破之異與第二子忠臣及周迎等奔陳齊 **徳以備江路帝使侯安都討之異本謂官軍自錢唐江** 端遣使自都陽信安嶺潜通於王琳分兵戍下淮及建 貞臣徴異為南州刺史異不進尋改東陽太守異遣長 数為反叛屢殺守將陳暫應因官軍鄉導討平之由 一安都乃密由會稽諸暨步道襲之異聞兵至走桃 寶應晉安候官人世為閩土者姓多變許深朝晉安 朝還言朝廷虚弱異信之外示臣節內懷两 建康實録

條其子女無大小並加封爵及安都討留異寶應乃遣 遂乘流放筏突其水栅而使步騎簿之寶應衆清追擒 其屬籍寶應遂據建安湖際逆拒王師水陸為栅昭達 於草中并留異等同逆者俱送建康市斬之是日詔討 命余孝頃督會稽東陽臨海永嘉等兵討之詔宗正絶 兵助異帝大怒命章昭達督衆軍由建安南道度嶺又 深溝高壘不與戰達命軍士伐竹木為筏俄而水盛

郡兵權皆自己出帝嗣位録其功命入宗室并遣使

炎定四車 全書 月 靈臺候 周 人來 後在太尉 正月乙酉皇太子 應將士亡者並與棺 山穴傳 聘七月癸未大風自西南 陽 館 儀城 甲申儀賢堂 莫 西 習上 加 建康實録 前 元 元間 北百 架 服 遞選本土 王 無故 門弩 儀名 公巴 内署 丙 於聽 自 菛 週脂 此訟 至纜廣 臨 |前堂 下賜各有差六 廸 太 臨 時案 百 꼐 軥 餘 步激

自 塘連八城以逼周廸連使周敷率兵頓臨川 断江口與樊猛等戰大破之居其八城生擒李欽樊猛 余孝頃遞送建康市 納之永定二年以功進建平南将軍開府儀同三司 功遷振遠將軍高祖東政加江州 山谷有膂力能挽殭弩以弋獵為事梁元帝平侯景 下至盆城與新具洞主余孝頃相合東二萬來超工 部王琳既平帝 収其器械軍實山積屬其人馬並 **徴迪出鎮** 刺史及即位王琳 盆城今子入朝 故 郡迎自

1:1:1:1

火モ四車と馬 晉安依陳寶應實應使兵助之明年秋復越東與嶺世 恐不安乃令弟方與率衆襲周敷於豫章不利而退三 等官賞廸甚不平遂陰與留異相結及王師討異廸疑 牙執之令取廸自効因使勇士隨入山中誘廸出猟伏 年帝使章昭達討廸迎東潰妻子悉擒乃脱身踰嶺赴 祖使程靈洗等破之廸窟山穴中日月既久遣人潜出 乃顧堂生疑不至及帝録破熊曇朗功加周敷黄法戦 川郡買鮭魚使人脚痛舍於邑子邑子告太守縣牙 建原實錄

司空安成王項為尚書令夏四月癸酉帝崩於有覺殿 兵斬於道傍傳首京師 金灰口石人 **欽事不獲已者必谷嗟改色妙識真偽下不容新** 自布衣知百姓艱難疾苦因家資用務在儉約常所 **丙戌葬水寧陵陽周四十五步高十丈九尺** 七年春二月丙子大赦改元為天康元年三月已卯進 閨 位在位八年羣臣上諡曰文皇帝廟號世祖帝 取外事分判者前後相續每點 伺漏傳籤 帝年四

殿中者令投之於陷石上使鏘然有聲云吾雖眠睡亦 殿大赦內外復職遠方悉停赴丧五月上尊皇太后為 永定二年春二月戊辰拜臨川王世子三年文帝嗣位 帝諱伯宗字奉業文帝嫡子梁承聖三年五月庚寅生 令驚覺其終始自殭梗縣如此 福省天康元年四月癸酉文帝崩是日即位於太極前 人月立為皇太子自梁侯景亂離東宫焚火太子居永 廢皇帝

次定四軍全十二

建康實驗

皇后 后諱少姬侍中金紫光禄大夫固之女天嘉四年 太皇太后皇后白皇太后以司空安成王項為司徒録 尚書都督中外諸軍事始與公伯茂為征東將軍袁樞 聘為太子妃 為尚書左僕射沈欽為右僕射七月丁酉立処王氏為 法管禪坐誦經又妙於玄言使聘魏國宴饗請救 郎太子洗馬高祖即位累遷至侍中禮遇甚厚性信佛 涉史籍以梁帝外甥封英口亭侯舉秀才起家為尚書 固字休堅瑯邪臨沂人祖汾父林固少

皇子至澤為太子九月周將元定入郢州與華皎水陸 光大元年春正月辛亥改號 辛卯祠南郊大赦二月南黎 羊於固前跪足而拜又宴昆明池魏朝以固南人嗜魚 俱進淳于量具明徽等逆擊大破之政單舸奔江陵擒 為援六月詔征南大將軍淳于量討平之七月戊子立 於太廟十一月乙亥周人來形 大設周器於水中固以佛法明之一無所獲冬十月享 刺史余孝頃反伏誅五月湘州刺史華皎反引後周

欽定四軍全書

建庚寅级

成王獻王璽一紅六月丁卯彗星見九月新羅林邑狼 加 元定送建康 牙修國並使朝貢時安成王與僕射到仲舉中書舍 年春正月以侍中安成王項為太傅領司徒楊 右甲伐三百人入居尚書省十一月劉師 中軍大將軍四月辛已太白畫見五月丙辰太傅安 知等 禮劍優上殿入朝不超養拜不名與子以淳于量 恒在禁中參決衆務而安成王為楊 知到仲舉 + 刺史 州牧

出以報安成安成四師知自入見后及帝極陳師知之 太后太后曰今伯宗年幼政事並委二郎此非我意喜 安成大懼乃稱疾召師知留與語遂遣毛喜入言白於 作富家翁不可得也此必師知等獨太后之令請覆之 喜馳入止之曰王今出外便受制於他人譬如曹爽願 成王白今四方無事可遷東府經治州務安成將出毛 等見安成東政惡其權重陰說於帝矯太后令下詔安 乃自草動收師知付廷尉獄賜死自是政事大小皆

次色习更 A.

建康實銀

金万口屋 允符太伯今可崇立賢君內外宜依舊典以與駕奉迎 舊布新禎祥成顯文皇知子之鑒事甚帝竟傳弟之懷 總邦家威惠相宣刑禮兼設且地彰靈璽天表長彗除 后令廢帝為臨海王送之藩郎詔曰太傅安成王項固 是日廢帝出居別第大建二年四月乙 天生德齊聖廣深二后鍾心三靈行眷自先朝不豫任 决於安成王王以上派多反叛乃飄慈訓太后甲寅太 仁弱無人君之量世祖每虞不堪繼業既居家嫡廢立 卯薨年十九帝

伯之事高宗初未達旨良久方悟乃拜伏流涕固辭其 文色 日后 公子 後宣太后依先帝之古乃此廢帝焉 事重是以依違積年及將大漸召高宗謂曰吾欲遵太

建康實録卷十九				金与中人と
				卷十九

「ていり」 ここ 满室帝少寬大多智略及長美容儀身長八尺垂手過 高宗孝宣皇帝諱項字紹世世祖母弟始與昭烈王第 欽定四庫全書 二子梁中大通二年七月辛酉生於鄉里産夕有赤光 陳 建康實録卷二十 高宗孝宣皇帝 唐 許嵩 撰

大二年十 中廢帝立進驃騎大將軍録尚書尋轉太傅揚州牧光 膝有勇力善騎射高祖平侯景梁元帝使徵高祖子姪 動穴四犀全書 陷帝隨例遷於關右高祖即位永定初選襲封為始與 帝入三年正月甲午改元 郡王文帝嗣位遥改安成王天嘉三年自周還累至侍 **寐於室馬軍主李總見是大龍乃驚走人密竒之江陵** 入侍帝赴江陵界官至直閣將軍中書侍郎忽酒醉假 月甲寅慈訓太后點廢帝為臨海王而召

成東政后憂問計無所出乃將宦者將裕令請建安 太建元年即位於太極前殿大赦進文武位一等復太 等及帝立乃點后為文皇后朱陳書后起傳陳七入 張安國使據郡反因此以圖安成尋而事覺遂誅安國 后尊號曰太皇太后退文皇太后沈氏為文皇后 ここり こここ 川王妃世祖即位為皇后廢帝即位尊為皇太后及安 姬具與武康人建成侯法深之女永定元年策為臨 乙未謁太廟立妃柳氏為皇后以嫡子叔寶為 建原實録 后字

太子封諸子為郡王丁酉使御史出四方觀行風俗 太子 一 多 好 四 庫 全 書 陽能據南海反韶章昭達討平之 軍襲封陽山郡公都督交廣越定明新高合羅爱建 封 獲輜重及獻銅鼓累代無此器高祖即位進散騎常 湘人父顧梁左衛將軍統隨蘭欽南征東孫擒陳文 飲為左僕射王勘為右僕射辛且祀南郊七月辛 赐 山公約 納 她沈氏王公已下賜 帛有差十月廣州刺史 有幹略天嘉四年除黄門侍郎選安遠將 卷二十 統字奉聖長沙臨 徹 ソス

というしたいい 禄朝 選朝廷統懼未敢動左右乃勘令反遂舉兵攻衙 著於西越帝以紀久在南方意頗疑之大建元年詔 安陵諡曰宣太后 州刺史錢道戢告變帝遣章昭達 黄利雙石等十九州軍事廣州刺史在州十餘年威名 十三家口籍沒案陳書江 年春三月丙申太皇太后崩於紫極殿 科葬萬 也青 光 太后字要兒本姓鈕氏 建康實録 江槐紀之故 |討擒統送京師年 人收 其子 幼為章氏所 詢 भं

乙己太白畫見五月齊人來弔 元年下令縣廢帝命宣帝嗣業至是崩年六十五四月 后及高祖崩后與中書舍人察景歷定策秘不發丧乃 先折后善書計能誦詩及楚詞高祖永定元年立為皇 聰慧美容儀手爪長五寸色並紅白每有期功之事則一爪 養因姓章氏母蘇氏當遇道士以龜遺之光彩五色曰 郵戶四月 全書 韶世祖入纂皇業世祖即位尊為太后居慈訓官光大 三年有徴及期生后産夕紫光照室因失龜所在后少

東定四軍在雪 太學十二月壬辰章昭達薨 未也及侯景亂昭達募鄉人援臺城為流矢所中眇其 善須小虧損當富貴耳後因醉墜馬鬚角小傷相者曰 人性倜儻輕財尚氣少時當遇相者謂達曰卿容貌大 酉祀南郊二月辛己祀明堂丁酉耕藉田三月大赦五 大建三年年卯正月癸丑以著作徐陵為尚書僕射辛 月丹丹天竺盤盤等國貢方物八月辛丑太子釋真於 目 相者曰卿相善矣侯景平後與文帝結君臣之 建康實録 昭達字伯通吳與武康

達升於台鼓及旦以夢告之至是侍宴世祖顧昭達曰 督討平之進位前將軍開府儀同三司初世 卿憶夢否何以償之昭達謝之曰當効大馬以盡臣節 總知城内兵事以拒杜龕龜等退走追討平之累戰功 拜交州刺史随侯安都拒王琳於池口為前鋒破琳册 熟為都督巴郢武源四州諸軍事封於樂縣侯給鼓吹 部天嘉四年陳寶應與周迪等冠臨川 及王僧辯誅後社龕反遣杜泰攻長城世祖命昭達 韶昭達為 祖鲁夢 都

大建四年八月辛未周遣使來聘丁丑景雲見九月庚 九百日日 八丁 軍糧昭達命軍士為長戟施於樓船上仰割其索索斷 築墨名曰安蜀城兼令於江上引大索編章為橋以度 歸歸與周軍大蓄船艦於青泥中昭達分遣偏將錢道 大建初討歐陽統於嶺南以功拜司空一 糧絕因縱兵攻其城降之薨時年五十四 **戢程文秀乘輕舟襲之焚其舟檝周兵又於峽下南岸** 子朔日有蝕之詔徐度杜稜程靈洗等配食武帝廟庭 建康實驗 年率師征蕭

中大夫領大著作修梁史初高祖誅王僧辯父子數 事中郎晉安王承制授給事黄門侍郎高祖即位拜上 舊事解褐梁安東王行軍參軍兼太常博士遷太尉從 與義十五卷亨少傳家業有節行博通奉書多識前代 衛尉卿許亨卒 每分口屋 白書 章昭達配食文帝廟庭十一月己亥夜地大震十二月 字玄度六代孫祖勇惠齊冗從僕射父懋梁始平天門 郡太守太子庶子散騎常侍以學聞撰毛詩風雅比 亨字亨道高陽新城人晉徵君許詢

大色写版 二 戊西衛州獻馬生角詔具明徹為征討大都督北伐統 同麽一穴至是無敢言者亨以故吏抗表請葬僧辯世 軍十萬發自白下四月大破齊師於淮南九月壬辰晦 應對才遷禮部侍郎有集二十卷後為字文化及所害 史五十卷文集六卷子善心入隋位至尚書度支郎有 自石頭城改定於方山東南亨卒時年六十四所撰齊 五年春二月夜有白氣如虹自北丰貫紫微宫三月丙 祖許之乃與徐陵張種孔與等以家財營葬具儿七極 建康實録

都討大破之琳與蕭莊俱奔齊齊以莊為揚州 武前殿以琳為都督中外軍事天嘉二年世祖遣侯安 梁元帝孫永嘉王莊於北齊歸立為主號天改元年正 月設壇於南浦之南備法駕即帝位幸江夏新宮臨定 航 高祖方盛梁祚漸衰懼梁社稷將亡遂與諸將謀迎 明乙己具明徹尅壽陽斬王琳傳首京師泉於朱雀 人盡記名姓累官梁元帝司空梁敬帝太平二年見 琳太原人少無學業而殭記內敏事多記識軍中 刺史

12

尅 袓 弘正卒 月壬辰耕藉田四月庚子彗星見八月尚書右僕射 六年正月壬戌大赦江右淮北諸州甲申周人來聘 位祖 王琳鎮壽春至是具明徹破之是歲諸軍略地所在 准南之 王輔 顋父賢弘正幼聰惠年十五為國子生季春入學孟 捷淮南諸郡悉平之 琳政 復而 弘正字思行汝南安成人晉僕射顗九代孫 起徐 上嗣 流微 而任 敗約 西等 展 馬 以歸 看 以 那 皆 沒 北 齊 軍 招都条引皆梁 高宗 南高 陵江 陷右 袓 失准 周 高北 皆

城西立士林館延弘正居之以講授聽者傾朝當啟梁 人恣求東下恐非良計弘正面折曰若東人勸東下 論利害諫元帝下都建康荆峽人士皆云周王皆是東 帝平侯景徵弘正為黄門侍郎累遷散騎常侍與王褒 主决定周易疑義凡五十條性博物善占大同末知天 冬應舉解褐梁晉安王主簿累國子博士初梁武帝於 汝何處逃刑及梁納侯景之降弘正曰亂階此矣梁元 下將亂謂弟弘讓曰國家厄運數年當有義兵起吾與

|| 動定匹庫全書

飲定四軍全書 德皆請質疑滯卒時年六十所著易疏十六卷論語 元年 紫光禄大夫進右僕射弘正善玄言明釋典雖名僧碩 卷子墳官至吏部郎 魏 非良計即西人欲西豈成良策元帝大笑竟不還都 卷莊子疏八 平江陵弘正道歸建康高祖踐作拜太子詹事天嘉 確位南平 選侍中國子祭酒使長安迎安成王三年還授 代 良府 吏長 卷老子疏五卷孝經疏两卷文集二 以白衣頁之 白 建康實 録 領太常 譲 亦 血紫光 禄大夫

虎 西華門本晉西板 **庾寅豫州刺史陳桃根獻青牛詔還百姓乙未桃** 郊 七年春正月乙亥衛將軍樊毅尅潼州城辛己祠南 諸 詔 織成羅文錦 三月部豫二充熊徐合霍南司定等九州及所 門 郡置雲旗義士住與大軍及諸鎮守備防禦 北征將士死王事者尅 門是第二 門案中 殿簿 被表各二部於雲龍門外焚之六月 龍 名西 梁 是 酉 日舉哀乙 華門 宫 西 墙 東 第三重 面 門 對第三重 晉 作雲龍 名 根 部 四 月 丙

大百日月 八十二 是歲般不害自周還優韶拜為司農卿尋選光禄大夫 露三降樂遊苑丁未幸樂遊採甘露宴草臣詔於苑內 梁簡文於永福省及簡文幽繁請不害同處侯景許之 谷議參軍侯景亂臺城陷文武奔散惟不害與徐鴻侍 少知名家世儉約居甚貧窶年十七事深累選平北府 覆舟山上立甘露亭十一 不害字長卿陳郡長平人祖汪父高明不害性至孝 門秋里九月壬辰具明徹大破齊軍於吕梁是月甘 | 月甲子南康郡獻瑞鍾|

建原實録

殯後與王褒庾信等同入長安布衣旅食至此年方得 還累進給事中 泣號呼尋見死人在溝者則身自捧視舉體凍傷水**聚** 陵陷因失母所在時當寒雪凍死者填滿溝壑不害涕 不入口者七日始得母屍憑屍而哭行路為之悲哀及 道有知尚冀言之不忘及元帝即位拜廷尉卿尋又江 不害曰昔晉文出奔野人遗塊卒返其國簡文曰若神 不害供侍益謹簡文夜夢吞一 滅陳又西入隋卒 於道原案陳書後頑明三年 塊土意惡之以告不害 隋 弟不疑不

金万口屋白雪

大己日日 白十方 叔文皆為郡王 僕射王克為右僕射九月立皇子叔彪為淮南王叔齊 大風雨震萬安陵華表癸卯震瓦棺寺重門一女子死 九年丁酉春正月後周滅北齊 不齊不伎 十月具明徹大破周將梁士彦於吕梁修東宮成十 (年春正月庚辰西南紫雲見拜異明徹為司空録 郭維與恒赴長安二月壬子與駕耕藉田七月與辰 五帝二十八年 建康實録 太子怛攺元 **承禪** 光位 於其 周

杜陵 有田十 漢書中十 是月散騎常侍太子右衛率章載 月移太子居新宫 金月四月生書 至太此子 年春正月己己以中 更嘉 人祖叡父正載少聰惠好學年十三沛 餘 修築 居 於永福 頃在 事隨問隨答略無疑滞自歷職位常樂退 新 五 宫 江乘縣之 故始 小菜一地或東 築原 為案 領軍盧陵王伯仁為平北将 永輿 白 加宫 安 山遂解疾去官築室居馬 齊 宫志 卒 火 何本 載 晉 亂 皇 字德基京 焼 盍 國劉 居 海 盡梁 之 顯 初監文後 jk. 重

五十八卒於家夏六月大雨震大皇寺利莊嚴寺露盤 大王司臣 1:15 如所言至秋大獲足充葬用有尹生善占墓謂其兄曰 想居數日有自田回者 云苗已更生明徹疑之及往果 種遇大旱苗稼焦枯明徹哀憤每至田中號哭仰天告 幼孤性至孝年十四感墳瑩未修家貧未辨乃勤力耕 明徹薨 重陽閣東樓千秋門內棍樹鴻臚寺府門是月司空具 屏絕人事吉凶慶馬無所往來不入西離門或十年年 明徹字通照秦郡人父樹梁右軍將軍明徹 建康實銀

拜散騎常侍死州刺史宣帝大建五年加侍中都督 官直後及侯景亂天下飢明徹有栗麥三千餘斛鄉里 大貴之徵也至時果有應明徹樹之小子也起家梁東 祖鎮京口深 里人共之於是計口平分同為豊儉羣遊聞而避之高 飢 君家葬日必有乘白馬逐鹿者來經墓所是最小孝子 高祖奇之以梁承聖三年請為戎昭將軍高祖踐作 乃白諸兄曰當今草竊人不圖生既有栗麥可與鄉 相要結降階執手明徹妙解天文孤虚道

多分四厚全書

東己日目とは 諸將皆曰計將安出明徹曰兵貴在速而彼結營不進 京師 吾知其不敢戰也於是躬擐甲胄四面 遭大將皮景和率兵數十萬來援去壽春三十里頓軍 以灌之城中苦溼多腹疾手足皆腫死者十有六七齊 攻之中宵而潰琳等退據相國城及金城明徹遏肥 討諸軍事北伐賜女樂 鼓而尅生擒王琳斬之傳首京師宣帝優韶褒崇 所向皆尅提八月進逼壽陽王琳拒守明徹乘夜 建康實銀 部封南郡公總戎十萬發自 疾攻城中震恐 水

立方明壇於婁湖臨壇誓衆乙卯分遣大使以盟誓頒 軍皆潰明徹窮蹙就執以憂遘疾卒於長安九月乙己 將梁士彦拒戰頻破之會明徹若背疾拔軍至清口東 士卒二十萬陳其旗鼓戈甲登壇拜受成禮而退士卒 於吕梁八年進位司空九年詔明徹北侵軍至吕梁周 車騎大將軍豫州刺史就壽春授册明徹於城南設壇 下四方上下相警以備周人 不踌躍六年率諸將渡淮北七年閏九月大破齊

黄灯四屋 生

陽沛北 戊午周將梁士彦圍我壽陽起之又起霍州是月以始 Kan John Lille 月乙丑南北兖晉三州及盱眙山陽陽平馬頭泰郡 十二年庚子六月大風吹壞皐門中闧是月黄門侍 熊北徐二州乘勝而前自是淮南之地復盡歸於周矣 與王叔陵為征討大都督率水步衆軍以拒周師十 月辛卯初用大貨六銖錢丁卯於大壯觀閱武十一 年乙亥春正月龍見於南兖州永寧樓側池中七 熊南梁等九郡民並自拔以歸建康周又進尅 建原實銀 月 歴

青會於東府六齊畫古賢命王褒書讃世人稱為二 觀其容貌似不能言及其勵精力行皆人莫及又善丹 史精記黙識天文地理著龜占候二蒙奇字無所不通 每分四月全書, 起家梁太學博士中領軍府記室陳有天下選黃門侍 文十二隨父之建安乃撰建安地記二篇及長遍觀經 £ 顀野王卒 光禄卿年六十二辛野王少萬學在物無過解失色 幼以儒術知名年上歲誦五經略知大吉九歲能屬 野王字希馮具郡具人也祖子喬父恒野

世秋 遣南豫州刺史任忠率衆超歷陽陳惠紀超南兖州原 司空給鼓吹女樂 午 百卷續洞冥記一 又撰玉篇二十卷與地志三十卷符瑞圖十卷顧氏譜 卷分野樞要一 散騎侍郎淳于陵尅臨江 之地來降 八月乙未周鄖州總管司馬消難以所統九州 韶消難為大都督充九州八鎮諸軍事遷 卷玄象表 百卷通史要略 部率聚江北搜之大軍北伐是月 建東實銀 郡於酉魯廣達尅郭黙城 卷文集二十卷並行於 百卷國史紀傳

|鉄定匹庫全書 衡 射二月乙亥親耕藉田四月乙己分衡州始興郡為東 十三年辛丑以晉王伯恭為尚書左僕射袁憲為右僕 甲戌大雨霖丙子淳于陵尅祐州城九月周臨江太守 乃止丁亥周將王延貴率泉來援歷陽任忠擊破之 延貴以送建康己酉周廣陵義軍主曹樂率衆來降 扶風都人寓居京口祖靈慶樞少好學六歲能誦孝 顯光率東來降是月天東南有聲如風水 以本衡 州為西衡州七月徵君馬樞卒 相激三夜 樞字要

同 陵王綸為南徐州刺史引為學士命講維摩老子周易 經 論者拱點而退綸甚奇之及征侯景留書二萬餘卷與 茅山 虚則 之常閒居喟然數曰吾聞貴爵位者以巢由為桎梏 山林者以伊日為管庫東名實則勢於柱下之言翫清 こうし 論語及長博極經史尤善佛經及周易老子義梁邵 日三部 則終馬之志陳天嘉元年世祖徵為度支尚書 糠秕席上之 211. 齊發題論者縱橫樞隨問剖判應接如 論稽之馬論亦各從其所好乃隱於 建康實際 流

黄能視暗中物常有白驚一雙巢其庭樹馴狎欄無年 世亂所居盗賊不入依托者數百家皆得全樞目精 静帝文衍遜位於隋文帝楊堅改元開皇元年周三代 來發屋拔樹大雨電十二月辛已彗星見西南是嚴周 不應命每王公大人有饋的解不獲免者十分受 十四年春正月己酉帝不豫甲寅崩于宣福殿二月癸 五帝二十五年 十六卒撰道覺論行於世九月癸亥夜大風從西北 洞

一 銀定四庫全書

欠已可見 上小 恢引之度及居尊位實允天人之望于時國步初弭 後當有癡人修吾破城者時莫測所從云 自 弱懸絕適足為禽及周滅齊乘勝而舉略地又至江 寒未復准南之地並入 於齊帝志復舊境返侵地而 約金銀之飾不以入擴明器皆令用尾初帝在田本有 日孝宣帝廟號高宗有子四十二人遺詔庶事務從 **葬顧寧陵帝年四十即位在位十四年年五十三** 此懷懼既而力修城隍為打禦之備獲銘曰二百年 建原實銀 儉

州軍事始年十六政自己出寮佐莫敢預焉弟叔堅爭 帝崩乙卯始與王权陵構送 大建元年正月甲午立為皇太子十四年正月甲寅宣 年十 後主諱叔寶字元秀小字黃奴宣帝嫡長子梁承聖二 名殭梁無所推屈大建元年封始與王出使江郢晉三 承聖中生於江陵天嘉三年封康樂便少有機辯徇聲 後主長城公叔寶 月戊寅生於江陵天嘉三年立為安成王世子 权陵字子嵩高宗第二子

金岁四屋 白量

側聞之 宗不之知叔堅後主同侍寝疾便陰有異志乃命典樂 とこうこ 後主中 能處分权陵多力自奮得脫突出雲龍門 日對藥刀甚鈍可礪之及高宗崩倉卒之際速命左 以身蔽之 取劍左右不寤乃取朝服木劍以進叔陵怒叔堅在 招致賓客每朝會鹵簿不肯為先後必分道而趣高 知有變何之翌日少強权陵取到藥刀超進 項後主悶絕於地太后與後主乳母樂安君具 叔堅自拖权陵并奪其刀將欲殺之後主 入東府召

斬首送臺流屍於江中丁已後主即皇帝位於太極前 台鼎摩訶不報當日執將軍戴治譚騏驎二人送臺斬 又遣記室章該送鼓吹與摩訶仍謂曰事提必以公為 后使太子舍人司馬申以後主命召蕭摩訶討之权陵 所部兵馬仍自被甲著白布帽登城西門以召百姓太 左右衙青溪橋道放東城囚以為戰士遣人往新林追 中部麾下度小航將超新林蕭摩呵追擒於白楊 叔陵自知不濟乃入內 沉其妃張氏及寵妾七人

剱贞匹库全書

太守卒官後高宗赴江陵梁元帝以后配焉生後主江 將軍尊皇后為太后居柘香殿 殿大赦如宣帝故事以丹陽尹長沙王叔堅為驃騎 とこうる とに 其上者推於貴妃而自御其次者高宗崩权陵為亂 **垂手過膝初錢貴如甚罷后傾心下之每有供奉之** 陵陷與後主俱留穰城文帝天嘉二年高宗自周還立 東解人父偃尚梁武長公主拜駙馬都尉大寶中都陽 為安成王妃及即位為皇后后美姿容身長七尺二寸 建康實錄 太后諱敬叔姓柳 河

多分四犀生書 皇寺惠朗法師受三論盡通其學初有大心寺曇法 决於太后也 為世祖撰史學士累遷安成王記室縡篤信佛教從與 梁臨沂令縡幼聰敏七歲能誦古詩賦至十餘萬言長 極殿設無礙大齊詔內外百官各薦 丧後主又病瘡不能聽政百司衆務假以後主命實皆 主賴后及具媪救護得免是時新失淮南之地國遭大 秘書監傅辉下獄死 業十三年薨於東 絳字宜事北地靈州人父奏 長安隋大 人是月右衛將 ٤ 甲戌於太

KA 13 151 1.11.17 嗜慾遠韶佞未明求衣日旰忘食是以澤被區字慶流 素剛因獄中上書曰夫人君者恭事上帝子爱下人省 凌侮人物朝士多衛之初施文慶沈客卿便传親幸而 大事下筆輒成未當起草然木殭不持檢操員才使氣 子孫陛下頃來酒色過度不虔郊廟小人在側宦豎弄 **釋益疎慶等因共諧毀受高麗使金後主収經下獄經** 著無淨論以該之解乃為明道論用釋其難後主即位 秘書監中書舍人掌詔語為文典麗性敏速雖軍國 建康實録

臣恐東南王氣自斯而盡書奏後主大怒頃之意解 金少四月生書 子角為皇太子賜為父後者爵 面 使謂絳曰我欲赦卿卿 權惡忠直 有差七月辛未大赦天下是 如血、 賜 可改則心可改後主益怒命宦者李善度窮治其罪 死獄中年五十五有文集十卷行世四月丙申 月丁 如仇餓視百姓如草芥公行貨賄衆叛親離 酉天赤如火 能改過否經對日臣心如面 月自建康至荆 級假王公已下 無礙大會於太 州江水台 費帛 臣

九人為 雷 聖為司空九月丁己天東南有 至徳元年春正月大赦改元秋、 岳南 王司臣 八二 殿拾身及乘與御服又大赦天下辛亥夜天東北有 如蟲飛漸移西北乙 山郡 是崴左光禄大夫太子少傅徐陵卒 郡 人权無 新興人权與 沅陵 | 权宣陽山王 門自西北至東南其內青黃雜色隆隆若 夘太 白畫見 建康實録 十二月丙辰頭利 权权 穆平 移 西陽王叔儉 聲如蟲飛冬十月封 (月丁夘以長沙王 國遣使 朝

禮儀今僕來聘使卿復知寒暑以大斬留連數年後隨 騎常侍使魏魏人 寺慧雲法師每嗟陵早就謂之顏回 氏常夢五色雲化為鳳集左肩上已而誕陵年數歲家 東海郯人 通莊老長乃口辯 今日之熱當由徐公陵答曰昔王肅至此為魏 **携見實誌上人誌以手摩項曰天上石麒麟也光宅** ,祖超之父摛梁昭戎将軍太子左衛率母 館宴之日甚熱魏之主客魏以謂陵 縱橫起家寧蠻府參軍累遷通直散 嚴能屬文十 始 制

金厂四届生

卷二十

大王司王 八十 克謂妻曰今饑荒如此供養交闕欲假卿於富家望其 孝克養母饘粥不給其妻領軍將軍滅氏女有容色孝 太學博士性至孝值侯景亂京邑大餓死者十有、 尚書僕射自陳創業文檄軍書及受禪制策皆陵所製 真陽侯蕭淵明歸陳有天下累官吏部尚書領大著作 引無倦世以此重之有集三十卷子四人儉 份儀傅皆 至班位陵第三弟孝克少通玄理晚五經正義解褐梁 九錫尤美為一代文宗亦不以此矜物於後進者接 建原實錄 =

侍國子祭酒每侍宴會無所 答於是 後景行戰死世平臧氏何孝克於塗中累日乃見謂 嫁與侯景將孔景行從左右以逼之臧氏涕泣而去所 彼此俱濟如何臧氏初不許之孝克乃私與媒者商量 往日之事非為相員今既得脱當歸供養孝克嘿然無 食以充給馬臧氏猶念舊恩亦數私致鍋饋故不乏絕 得穀帛悉以養母孝克乃自則髮為沙門名法整煎乞 歸俗更為夫妻天嘉中徵為則令累遷散 噉至席散當其前羞膳

金牙四周至書

火足口事在時 洗馬 主即位遷都官尚書陳七隨例入長安家徒壁立母患 高宗各嗟久之自後宴饗孝克前饌並遣將歸餉母後 以江總為右僕射七月壬午皇太子加元服在位文武 至德二年甲申正月丁卯分遣八使巡省風俗夏四月 思粳米粥不能辨母亡後遂終身噉麥有遺粳米者對 損高宗密記何之見孝克取珍菓內紳帶中歸以遺母 之而泣開皇十九年卒於長安有子萬載位至隋太子 建康實録

金万口居人可 至徳四年九月幸玄武湖肆艫 寺大赦高麗百濟使來朝賀 至德三年正月戊午朔日有食之三月豐州刺史章 自存者人穀五石 賜帛有差孝悌力田為父後者爵 實舉兵反四月豐州義軍主陳景詳斬大寶傳首京師 月以江總為尚書令謝 (月戊子老人星見十一月詔修孔子廟辛己幸長干 伯為尚書右僕射 艦 閱武宴群臣賦詩 級鰥寡孤獨不 能

大足四草 山馬 ||江陵 謁元帝帝以喜為尚書及江陵陷高宗選關右喜 起家為梁西昌侯參軍高祖鎮京口命喜與高宗俱往 伯為名汝諸兒宜以叔為稱高宗以訪於喜喜即條自 遂將柳皇后及後主還初世祖謂高宗曰我諸子皆以 為請周家宰字文護執喜手曰能結二國之好者卿也 走野州及高宗還喜自野州奉迎高宗遣入關以家屬 大夫毛喜卒 **禎明元年春正月戊寅大敖改元乙未地震四月光禄** 喜字伯武滎陽武人好學善草隸書 建康實録

置酒 為心疾仆皆下舁去尋負氣出為南安內史禎明元年 伏願三思須史奏聞竟如其議後主即位山陵未踰年 善世祖崩僕射劉仲舉與右衛將軍韓子高等知朝 主入省共治庶績今日之言必非太后之意宗社至重 有歸乃矯太后令遣高宗還東府喜入諫高宗曰陳有 天下日淺海內未夷萬邦恐悚皇后深惟社稷之計令 古名賢杜叔英虞叔卿等二十餘人以答世祖世祖 作樂命喜喜不懌欲進諫及升指後主已醉喜伴 稱

金灯口屋

白重

大色日臣 二 僕博學經史起家梁臨川王參軍累進平南府司馬陳 孫瑒卒 楊州具郡置吳州以錢唐縣為郡屬焉是成起部尚書 武官察家屬濟江還十月以蕭嚴為平東將軍乙亥割 九月庚寅梁太傅安平王蕭巖荆州刺史蕭獻以其文 微還百姓冰其惠政追送者數百人道卒年七十二 安西將軍郢州刺史天嘉初封定襄侯世祖常從容謂 高祖即位遷散騎常侍都督荆郢武巴湘五州諸軍事 **瑪字德璉具郡具人祖文惠父修道瑪少倜** 建康實飯

散之親友居處奢豪宅在青溪東大路北西臨青溪溪 拜散騎常侍兼起部尚書揚兄弟篤睦性通泰有財皆 祭之宣帝大建四年除安西將軍荆州刺史後主嗣位 軍具郡太守給鼓吹 金牙口屋白書 西即江總宅場家庭穿棄極林泉之致歌鐘舞女當世 瑪曰昔朱買臣願為本 郡卿有意乎乃授持節安東将 罕傳賓客填門軒車不絕及出鎮郢州乃合十餘船 大舫於中立池亭植芰荷良辰美景賓寮畢集泛長 部將解乘與幸近畿餞送鄉里

大三日主 多所創立及卒尚書令江總為之銘銭後主又題銘 禎 為榮子讓早卒 綺羅天長路遠地久靈多功名未勒此意如何世 風動竹烟水驚波幾人樵運何處山阿今朝日月宿昔 四十字遣左户尚書蔡徵就宅宣敕鐫之其詞略 士冬夏資奉而處已率易不以名位驕物又深有巧思 江置渌酒亦 明二年春正月立皇子栓為東陽王恬為錢磨王夏 1.11.1 八之勝賞又立山齊設講肆集玄儒之 案陳書次子訓 隋為高康太 皮质贾稣 知 宇 名 莊 曰

大建末隋兵大舉聞宣帝崩乃命班師遣使赴弔行 激壽水入石頭城淮渚暴益漂沒船舫已酉帝幸幕府 月 两岸數日自死隨流入江是月郢州南浦水黑如墨 每分四年全書 月戊申羣鼠無數自察洲岸入石頭緣准至於青塘 隆 為具與王立始安王深為皇太子丁己大風自西北 甲午東冶鑄鐵有物亦色如火大數升自天墜鎔所 機初隋文帝受周禪甚敦隣好宣帝尚不禁侵 有聲如雷鐵鑄飛出墙外燒人家與子廢皇太子

大臣可臣人 等並求致討後主意愈驕不虞外難荒於酒色不恤 姚察等十人預宴號曰狎客先令、 餘人後主當使張貴妃孔貴人等 事左右嬖倖珥貂者五十人 想彼統內如宜此宇宙清泰隋文覽書不悦以示朝臣 國之禮書稱姓名頓首而後主益驕怠答書甚慢末云 言詩十客 河公楊素以為主辱臣死再拜請罪襄邑公賀若弼 時繼和遲 走康實録 則罰酒君臣酣飲從夕達旦 ,婦人姜貌 鹿服以從者 婦人 人夾坐江總孔 (裝彩機制

自 頭又將山衆鳥鼓翼拊膺曰奈何帝奈何帝又建 稱老子以遊都下與人言而不見形言吉凶多驗經 為甘露之瑞俗呼為雀錫前後災異甚多又有神人 酷 此為常而復盛修造起土功稅市稅船徵取百端刑罰 年乃去船下有聲云明年亂視之得嬰兒長三尺 壞又青龍出建陽門井中湧赤霧地生白黑毛又 濫初覆舟山及將山松柏林冬月恒出木體後主以 拔朱雀門又臨平湖舊常草塞不通忽然自通此 康城 自

金少四届台書

其床 とこりえ 起齊雲觀未就國人歌日齊雲觀賊來無際畔始 中起飛向石頭城燒人家無數又使 奴 猻 自夢黄衣圍城有血霑階至卧床 以禳之 闢 皓末年 下至牛渚磯盡没水中 故 統 下捕之不見以為 衣老 7.1.1.7 嘉相 又於郭内大皇寺造七層塔未畢功而火 巴會開通 初又 僔 此 草 湖 臨平湖草塞 開 纖 即 妖精後主乃自賣身於佛寺為 建康實錄 禎 既而漁人見稅浮於海 明初 頭 忽 通 人採木於 平异天 而火起又有狐 云 呉 自 通 後漢 主末年忍具 Ī 時後主 湘 州 上

求後主殊不知悟文帝益忿乃勅晉王廣為元帥督 為百姓父母豈可阻一衣帶之水不抵養生塗炭乃命 十總管致討先送聖書暴後主二十惡又散寫詔書 大作戰船羣臣曰伐國大事事宜密之文帝曰吾將顧 識者以為省主主將見省之兆也隋文帝謂高 行天誅何密之有使投棒流下於江彼若能改吾又 末諸省官人皆稱省主未幾而滅至是朝官亦稱省主 萬紙遍諭 江外及隋軍繼下江濱鎮戍相繼奏聞 類曰我

動力四犀生書

九己日日 八二 來周人再至皆並推沒今虜雖來必應自敗孔範亦言 楊素軍不得下後主聞隋軍臨江曰王氣在此齊兵三 僧寶父仲悦梁尚書祠部郎畿幼好學爱玄言受業於 内宴以調軍事後主大怒 因皇太子以進諫日殭冠侵境沿江無禦備之敢請停 無渡江之理但奏伎縱酒作詩不報有東宫學士張譏 文慶沈容卿掌機密並抑而不言及隋軍臨江諸防 盤悉還都下江中無一鬪艦上流諸軍鎮兵士皆阻 建原實録 **畿字直言清河武城人祖**

逼 譏 位 徳 周 邱軍士後主大怒収下獄或救者僅 曰當今多士 國子博士後主在東宫新造玉 . 殿 乃令於温文殿 令温 弘正梁大同中召補國子正言生與袁憲侍講 江孔範等言無渡江之 勅今論 雅 深帝 議諸儒莫敢先發識整容而進容審 如林至於堪 器之賜 講莊 裾 老 理 後 捉 襦 惟 主 此 網等回表 鄉稽古之 郎 者 譏 位 獨 知其必濟又進 柄塵尾成後主 獲 荒 始前政及隋 張識耳即手自授 免城 陷 隨 神詩 執 力 循 於 例 環

多プロ人

人りまし

長安終不仕讓性恬雅所居宅舍築山池植花果講周 V. 17 1.11 韓擒虎從橫江齊採石南北俱進緣江鎮戍望風盡走 後主昏睡至晡乃醒是日隋將賀若弼從廣陵濟京口 **禎明三年春正月乙丑朔朝大霧四塞入人鼻皆辛酸** 易莊老教授門徒年七十六卒所著書易禮詩莊老等 羊凌縱侵竊郊畿蜂蠆有毒宜時掃定朕當親御六師 丙辰採石戍主徐子建 馳告變是日後主方下詔曰犬 百卷皆入秘閣子孝則嗣 建康黄绿

弼進據中山頓白土尚東南大破陳軍士卒奔北弼乘 寺鎮東將軍任忠自具與入戍仍屯朱雀門辛己賀岩 樊毅屯闍黎寺魯達屯白土岡忠武將軍孔範屯寶田 南徐州乃遣豫章王叔英屯朝堂追蕭摩訶屯樂遊苑 士盡皆執役與午賀岩弼陷南徐州辛未韓擒虎又陷 大都督樊猛為上流大都督樊毅為下流大都督司馬 消難施文慶並為大監軍重立賞格分兵鎮守僧尼道 廓清八表內外並可戒嚴以驃騎將軍蕭摩訶為皇畿

金 切四属生書

火色日日 公子 當吾自有計乃將張麗華孔貴嬪二妃入景陽樓并 勸後主端坐殿上正色侍之後主日鋒刃之下未可交 支尚書王援等居省中尚書僕射袁愿後閣舍人夏侯 門是日韓擒虎率衆自新林石子岡進大將軍任忠出 勝破魯廣達蕭摩訶等於樂遊苑遊騎次宮城燒北掖 司皆通出惟尚書令江總吏部尚書姚察侍中王寬度 公韻二人人居殿中以侍後主俄項隋兵至憲韻二人 乃引擒虎徑至朱雀航超宫城自南掖門入文武百 建康實驗

日見卿可謂歲寒然後 海 周引正深重其才舉高第以貴公子選尚終簡文女南 公韻 **愿韻等告諫以身蔽井後主不從與之力爭久之方得** 年 弟幼聰敏年十四召為國子正言生在學一 公主起家秘書郎累遷南康內史入陳位僕射 人拜哭而去 隋伐陳軍人燒北掖門朝士皆散走獨愚與夏 殿侍後主後主謂曰我從來待卿不先他 袁憲字徳章陳郡人 松相之後彫及隋兵入 人尚書僕射 一年博 閤 禎 樞

金牙四周白書

居處如常太子深年十五閉問而坐舍人孔伯魚侍側 |悪等拜哭而去國陷入隋文帝嘉其雅操授開府儀同 從因下榻馳去憲從出後堂至景陽殿後主投下井中 陛下安之整衣冠御前殿依梁武見候景故事後主不 及隋軍叩問入深安坐勞之曰戎旅在塗不至勞子既 曰簡長子承家任隋至秘書丞是日隋軍雖亂沈皇后 三司昌州刺史開皇十八年卒贈大將軍安成郡公諡 主追遽避匿愿正色曰北軍兵人必無所犯大事如此

一大いりったいた

建康實緣

業後主為太子以選入東 宫侍襲良姊給使後主見悦 晉王廣 始聞具人叫聲乃以繩引之驚其太重俄與張麗華 貴嬪三人同乘而上隋文帝聞之大驚開府鮑宏曰東 而隋軍求後主不得因窺井呼之後主初不應欲下 因得幸生太子深後主即位拜貴妃始興王权陵 上於天文為秦今王都 如姓張 字麗華襄陽兵家女素貧賤父兄繼席為 據臺城送後主於東宫命斬張貴妃於青 所在投井其天意耶丙戌隋

多好四月全書

居望仙閣並複道交相往來又有王李二美人張薛 花果後主自居臨春閣張貴妃居結絢閣龔孔二貴嬪 照光映後庭其下積石為山引水為池植以奇樹雜 實珍麗皆近古所未有每微風一至香聞數里朝日 高數文並數十間應牖户壁欄檻皆以沉檀香木為之 馬至德二年於光昭殿前起臨春結綺望仙等三閣 亂後主被傷卧於承香閣中諸如並不敢進惟貴如侍, 飾以金玉珠翠外施珠簾內有實帳其服玩之屬 閣

处定习题 在動

建康實録

重

皆此之類也張麗華髮長七尺賢黑如漆其光可鑑 貴妃孔貴嬪之容色其略曰璧月夜夜滿瓊樹朝朝新 聲選官女有容色者以千百數令習而歌之分部选進 共賦新詩互相贈答采其尤艷麗者以為曲詞被以新 引賓客同貴妃等遊宴使諸貴人及女學士與諸狎客 其閣上官人有文學如東大拾等並為女學士後主每 淑媛袁昭儀何婕好江修容等七人並有罷遞代以遊 以相樂有玉樹後庭花臨春樂等大抵所歸皆美張

金グロ馬

聽惠有神彩進止閒雅容色端麗每瞻視顧盼光彩溢 兒等進之後主置張如於膝上共决之有不能記者貴 道以感後主後主息於政事百司故奏並因宦者察臨 仙無有才理辯識强記善候人主顏色薦引宫女假鬼 目照映左右常於閣上靚挺臨軒檻宮中選望者若神 閱官便佐之徒內外交結轉相引致賄賂公行網 **她並為疏條無所遺脱由是益加罷異冠於後官更** 及隋軍昭城與後主俱入井中後為晉王廣斬於青 紦 脊

大王司臣 4三方

建康實疑

一多少四屋 生書 尚書姚察中書令蔡徴散騎常侍王元規等二百餘人 征 空司馬消難尚書令江總僕射袁慝驃騎將軍蕭摩訶 器皿等於庭引後主及二太子諸王弟二十八人及司 遣使迎勞使人還奏曰後主巴下在路五百餘里纍纍 康而入長安隋文詔京城權分人家第宅以禮接待之 不絕文帝數曰一人無良以至於此及至京師列與服 溪三月己已後主與王公卿士內外文武 百司發自建 西將軍樊毅安北將軍魯廣達鎮東將軍任忠吏部

大王司臣 九江 皇后自為哀策詞甚酸楚 毒四年冬十一月壬子終於洛陽葬河南之芒山 沈 祇對並放有之賜封長城侯文武皆隨才擢用詔下江 帝使納言宣慰內使宣詔讓後主後主伏地雀息不能 禮大建三年納為太子妃後主即位立為后性端靜 沈君理之女母高祖女會稽公主早亡后年幼哀慟過 引同三公之席勒樂户不奏呉音之樂恐傷其心至仁 南陳文武宣帝陵各給五户看守之給賜後主甚厚常 定康實錄 后諱務華吳典人儀同三司

字曰陳氏五帝三十四年又後主在東宮有婦人突 后感其家國亡滅自為哀誄詞甚悲切衆後 惟尋閱圖史及佛經陳亡與後主俱入長安及後主竟 多分四月全書 有怨尤之容居處儉約衣無錦繡左右近侍纔留五 學工書當張貴妃盛罷勢傾後宮澹然居求賢殿未當 自天而下導從数十人至太極前殿北面執策策金 初陳高祖 封七 為康城 即 **侯明** 後三 位日其夜奉朝請史普直宿省中夢 後 年當 十五年年五 脚皇 九年正月二十日 十二薨有 子 立主 年三 Ł 國七 牟 +

拓土開疆晚致吕梁之敗江左日蹙後主因削弱之 盛草言荒穢也隋承火運草得火故為灰矣及後主至 家處來門向水開解者以為獨足益指後主獨行無衆 庭以觜畫城成文曰獨足上高臺茂草化為灰欲知我 唱 とこうえ 言皆驗初宣帝器字弘廓有人君之量文帝知家嗣仁 弱早存太伯之心未及而崩既承萎繭之後志纂鴻運 京師與其家屬館於都水臺所謂上高臺當水開者其 曰畢畢國國主主尋而不見又當有一足鳥集於殿 2115 建康實驗 Ŧ

多定匹庫全書 其由來定矣 滅亡之運加以荒淫沉敗酒色過度梁末童謡曰可憐 巴馬子一 以江東人謂殺羊角為皂炭言終滅於隋夫與廢之 人衣皂炭相料理及王僧辯滅羣臣以謠言奏高祖曰 僧辯本乘巴馬以擊侯景馬上郎王字也塵為陳也 陳朝功臣 解皂英之義及陳減於隋府氏姓楊楊羊也說者 日行千里不見馬上郎但見黄塵起黄塵污 兆

大王日軍 Alth 梁元帝徵為明威將軍入陳累位司徒左長史太常卿 軍累至太子洗馬侯景亂隨舅蕭勃在廣州侯景平後 抓養於外家蕭氏好學年十八 禄大夫洪五代孫祖奮父經皆列職中外總性至孝少 蕭摩訶字元肖南蘭陵人祖親父諒卒於始與摩訶心 尚書令中權將軍入隋為上開府開皇十四年卒於江 江總字總持濟陽考城人晉散騎常侍統十代孫宋光 建康實錄 八起家梁武陵王法曹参 美

十餘萬其前隊有蒼頭犀角大力之號皆身長八尺齊 守大建五年隨具明徹北伐濟江攻秦郡齊軍大至東 訶出戰敗歸侯安都常從征伐先登陷陣累至巴山太 人又斬十餘大力者而還齊兵莫不驚間後從戰呂梁 力絕倫又有西域胡人妙嫻弓矢弦不虚發來氣甚銳 **眾軍尤憚之明徹自起酌酒飲摩訶曰關佳斬頹良正** 今日矣摩訶飲訖馳馬挺身入齊軍遥擲銑鋧擊中胡

孤姑夫蔡路養収養之少果毅有勇力高祖破路養摩

グロ屋

石事

N s. Jonal Lillo IV 首尾各不相知遂戰魯廣遠率所部俱進陣未合士卒 次之護軍樊毅尚書孔範又次之衆軍南北亘二十里 及隋軍來韓擒虎賀若弼進至鍾山龍尾後主謂摩訶 門施行馬廳事寢堂並置鴟尾仍納其女為皇太子 禄大夫舊制三公黃閣廳置臨尾後特詔摩訶開黃閣 事兼為妻子摩訶引兵於賊軍南偏鎮東大將軍任忠 曰公可為我一次摩訶曰從來行陣為國為身今日之 突眾手奪齊軍大旗屢以戰功進驟騎大將軍侍中光 建康實錄

之卒 樊毅字智烈南陽人祖方與梁同州刺史父文熾梁益 見舊主死無所恨弼許之摩訶入見後主俯伏號泣仍 動戶四月生書 於舊廚取食進之辭訣而去守衛者皆不能仰視入隋 人守衛於內省摩訶請弼曰今為囚虜命在須史願 **濁散摩訶無所用力為隋軍所執及京師陷後主為隋** 刺史叔父文皎侯景亂戰死於青溪毅陳亡入關項 開府後同漢王諒反於并州代誅 卷二十

一大二百里 九二 是王師東道主人進位散騎常侍陳有天下累以功勞 景廣達出境候接資奉軍儲僧辯謂沈炯日魯晉州亦 疾而卒 爱賓客累至北武將軍晉州刺史及王僧辯之下 平 便 魯廣達字遍覧具州刺史悉達之弟廣達少聰悟慷慨 晉熙太守梅伯龍討景累 遷蕩冠將軍陳有天下進號 至安南將軍侍中轉安北將軍入隋悲慘本朝淪沒發 任忠字奉誠小名蠻奴汝陰人少孤微不為鄉里所齒 建原實録 쿳

銀戶四庫全書 征南 部尚書為人清簡無事京城陷入隋為民部尚書給事 察徴字希祥侍中中撫軍景歷之子徵幼聰敏累遷吏 初平陳之日不先斬任蠻奴以懲不忠 開府儀同三司卒隋文帝嘗因宴集謂羣臣曰我常恨 既而忠已率數十騎往石子崗降於韓擒虎後入隋為 內史及隋軍到白土岡 忠馳入啟白當具舟機以就 臣以死奉衛後主信之令官人裝東以待久望不至 將軍給鼓吹 部尋加侍中信安郡王出為具與

郞 とこうえ 董雖亂離之中篤學不發陳有天下累進位尚書祠部 中有口辯多所詳究至於仕流官宦皇宗戚屬及朝儀 養入於已分减推諸弟妹乃至故舊亦皆相分自甘聚 文起家梁朝司文侍郎梁室傾亂崎嫗采野實以供給 至司徒 制度愿章軌則户口風俗山川土地問無不對子翼位 姚察字伯審具郡武康人六歲誦書萬餘言十二能 中轉秘書監領著作入隋為秘書即别勒成祭陳 1111 建原實銀 売り

剑穴四犀全書 妹并姑姪等並入船留其男女三人閣於樹抄及水退 陰縣有暴水流漂居人元規惟有 代史隋文帝當召察謂朝臣曰我平陳惟得察一人而 所重豈得苟安異壤輒婚非類母感其言而止梁時山 王元規宇正範太原晉陽人祖寶父偉早卒元規八歲 已大業二年卒於東都 而孤隨母舅氏往臨海郡年十二郡豪劉瑱有財巨萬 以女妻之母將許馬元規泣諫曰因不失其親古人 小船倉卒引其母

と日日日 とこう 侍陳有天下累遷散騎常侍南平王府參軍自梁諸儒 俱獲全濟世人稱其志行少好學起家為梁相國左常 養禮記音两卷 傳為左長學者皆以賈達服處之義難駁杜預凡 規引強通析無復疑滞複明三年入隋為 祭酒年七十卒於廣陵所著春秋發題辭 續經典大義十四卷孝經義兩卷左傳音 建康實録 무

